

## **ORDENANZA FISCAL REGULADORA DA TAXA SOBRE RECOLLIDA DOMICILIARIA E TRATAMENTO DE RESIDUOS SÓLIDOS URBANOS**

### **Artigo 1º. FUNDAMENTO E RÉXIME.**

No uso das potestades conferidas nos artigos 133.2 e 142 da Constitución e polo art. 106 da Lei 7/85, do 2 de abril, reguladora das Bases do réxime local e de acordo co previsto no art. 58 da Lei 39/88, do 28 de decembro, reguladora das Facendas Locais, este Concello establece a taxa pola recollida e tratamento ou posterior xestión dos residuos sólidos urbanos, que se regulará pola presente Ordenanza, redactada conforme ó disposto nos arts. 20 a 27 da Lei 39/88 citada.

### **Artigo 2º. FEITO IMPOÑIBLE.**

1. O feito imponible desta taxa ven determinado pola prestación do servizo de recollida domiciliaria de lixo e residuos sólidos urbanos de vivendas, aloxamentos, recintos deportivos e locais ou establecementos onde se exerzan actividades industriais, comerciais, profesionais, artísticas ou de servizos.

2. A estes efectos, considéranse lixo e residuos sólidos urbanos os previstos na lexislación sobre residuos e, nomeadamente, os restos e desperdicios de alimentación ou detritus procedentes da limpeza normal de locais ou vivendas, estando excluídos deste concepto os residuos de tipo industrial, escombros de obra, detritus humanos, materiais contaminados, corrosivos, perigosos ou aqueles que esixan na recollida a adopción de especiais medidas de hixiene, profilácticas ou de seguridade.

3. O servizo de recollida de lixo enténdese prestado en todo o Termo Municipal, sendo de recepción obrigatoria para tódolos cidadáns. A estes efectos presumírase que tódalas vivendas e locais con subministro de auga potable -municipal ou privado- e subministro de enerxía eléctrica, están efectivamente ocupadas a efectos desta taxa, con independencia da duración da ocupación, agás que o contribuínte presente proba en contrario por algún dos medios admisibles en dereito. A organización e funcionamento do servizo subordinarase ás normas que dicte o Concello para a súa regulamentación.

4. No suposto da realización de dous ou máis feitos imponibles no mesmo local, devengarase unicamente a cota correspondente á actividade que teña sinalada a maior contía nas tarifas do artigo 7.

### **Artigo 3º. SUXEITOS PASIVOS.**

1. Son suxeitos pasivos desta taxa, en concepto de contribuíntes, as persoas físicas e xurídicas, así como as herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición, que ocupen ou utilicen de maneira permanente ou temporal, calquera clase de vivenda ou local, ben sexa a título de propiedade, arrendatario, ou calquera outro dereito real, incluso en precario.

2. Terá a consideración de suxeito pasivo substituto do contribuínte ó propietario das devanditas vivendas ou locais, que poderá repercuti-las cotas sobre os usuarios ou beneficiarios do servizo. En virtude desta disposición, este Concello emitirá sempre as liquidacións a nome do suxeito pasivo substituto.

#### **Artigo 4º. RESPONSABLES.**

En materia de responsabilidade serán aplicables os artigos 37 e seguintes da Lei Xeral Tributaria.

#### **Artigo 5º. BENEFICIOS FISCAIS.**

De conformidade co disposto no art. 9 da Lei 39/88 reguladora das Facendas Locais, non se recoñece beneficio tributario algún, agás o Estado, Comunidade Autónoma e provincia que pertence este Concello, e os que sexan consecuencia do establecido nos Tratados ou Acordos Internacionais.

Establecer unha bonificación do 10% do recibo a tódolos contribuíntes, que se aplicará de oficio, en base á adhesión realizada por este concello á bonificación establecida pola Sociedade Galega do Medio Ambiente, S.A.

#### **Artigo 6º. PERÍODO IMPOSITIVO.**

O período impositivo coincide co ano natural. Nos casos de alta ou baixa presentadas durante o período impositivo, as cotas serán prorrateables por trimestres naturais.

#### **Artigo 7º. TARIFAS.**

1.- As cotas tributarias serán o resultado de aplica-lo seguinte cadro de tarifas:

Tarifa 1ª. Vivendas: Por cada vivenda: 32 €/trimestre.

Tarifa 2ª: Aloxamentos (Hoteis, moteis, pensións, casa de hóspedes, e demais centros de natureza análoga): 50 €/trimestre.

Tarifa 3ª: Establecementos de restauración:

Restaurantes e outros establecementos de comidas, wisquerías e pubs: 70 € /trimestre.

Cafeterías, bares e tabernas: 50 €/trimestre.

Tarifa 4ª: Outros establecementos comerciais, industriais ou mercantís:

Industrias fabricación/elaboración de pan: 400 €/trimestre.

Outras Industrias e comercios ao por maior: 120 €/trimestre.

Bancos e supermercados: 50 €/trimestre.

Comercios ao por menor: 45 €/trimestre.

Tarifa 5ª: Oficinas e despachos profesionais: Por cada oficina ou despacho: 20 €/trimestre.

**Artigo 8º. DEVENGO.**

A taxa devéngase e nace a obriga de contribuír dende o momento en que se comece a prestación do servizo, entendéndose comezada, dada a natureza de servizo de recepción obrigatoria, cando estea establecido e en funcionamento nas rúas e lugares onde figuren as vivendas, locais ou establecementos empregados polos contribuíntes suxeitos á taxa.

Establecido e en funcionamento o servizo, as cotas devengaránse o primeiro día de cada trimestre natural, agás que a alta no servizo sexa posterior a esa data, suposto no que se devengará no trimestre seguinte.

1. Os suxeitos pasivos, sexan contribuíntes ou substitutos, deberán presentar no prazo de trinta días na Administración Municipal, declaración das vivendas ou establecementos que ocupen, mediante declaración tributaria no modelo normalizado que se aprobe polo Alcalde-Presidente. Transcorrido o devandito prazo sen presentarse a devandita declaración, a Administración, sen prexuízo das sancións que procedan, efectuará de oficio a alta na correspondente matrícula do tributo.

2. Cando se coñeza, de oficio ou por comunicación dos interesados, calquera variación dos datos do Padrón, faranse as modificacións oportunas, que surtirán efectos na confección do Padrón inmediato seguinte.

**Artigo 9º. RECADACIÓN.**

1. A taxa será liquidada por trimestres naturais e notificarase colectivamente na forma prevista pola Lei Xeral Tributaria, na referida notificación sinalarase o período de pago voluntario.

2. As cotas que non se paguen no período voluntario de cobranza, esixiranse pola vía de constrinximento cos recargos legais que sexan de aplicación.